

Weti naha yamaki kuwaapë ta?  
 Wamaki puhi kunomai. **Professor**  
 pëmaki yaro pëmaki nakayou  
 pëmaki warii tēhē xaari wama tē pē  
 oni tapē. Weti naha wamaki onotaita  
 napē pē puhi kuu yaro. Wama tē oni  
 taprai mao tēhē, exi tē ha? Wa hupē  
 napē pē puhi kuu. Kama wamaki  
 yahipi há wama ki xowao tēhē  
 wamaki puhi xaariproimi kamiyē ya  
 xowao ma rē mai. Ya puhi xaariprou  
 puhio mahi yaro.



Hei sitate a rē kui, **Barcelos**, napē pē pēriowe kupe

### Turio Yanomami Xakibiteri

Awei. Yanomami yamaki kawaamou yamaki xi toprarou. Wamareki iyamai totihioma. Yanomami yama pētiniio totihio. Wamareki hirai totihioma. Kamiyē Yanomami yamaki kāi hirama. Kuwē yaro xi waisipi toraroma. Kama napē yama kipi kāi hirama. Sirapa tē ā há wamareki kāi hirama. **Professor** yamaki nakayou tēhē yamaki kokamou. Pukimateri pēxo, yamaki esikoramoma. Vitorino kama e pē hiraiweiha ya ki nakayoma. Iximauteri pē komi xo. **Professor** yamaki xiro kua. Wamareki hirai totihioma. Sirapa tē kāi hirama. Nomeru tē pē kāi hirama. Inaha tai yaro yamaki xi toprarou. Wamareki kāi yamama. Yamaki nakayou pēomi. Inaha yama tē xito tai mahi. Kuwē yaro yamaki nakaihe. Inaha yamaki xiro taamaihe. Kama tē pē rē kurenaha yamaki kui mao tēhē yamaki mohi himaihe. Awei, maprarioma.

### Ivan Xotokomapiteri




Prahai hami ai Yanomami tē pē pēriowe. Kuwē yaro, kanowa a pataha yamaki mi yamorayou parioma. Iha 3 titi yamaki mioma yaro, yamaki kaxukema yai. Ihi tēhē, a mi wakarayoma tēhē, **Barcelos** hami yamaki kopema. Kanowa a mi wērērayoma tēhē **Manaus** hami yamaki kōo haimoma. Kuwē yaro mahu titi yāmi yamaki mio xoaoma.

Yanomami yamakini ipa kahiki wā yama tē wā ha oniprarini yama tē wā kohiapapē!



Nomeru 6

Weti hami ai Yanomami pē xaponopi hei oni kamani totoai. Riē kuo tēhē, ai urihi kē a. Hei masita a rē kui, uxuhwē yaro, parawa kē u.



# MARAUIA HAMI YAMAKI HURAYOHĒRIMA

Iha, **Marauia** hami, Yanomami xo, napē xo, yamaki hurayoma. Ai Yanomami tē pē periowe hami proheso yamaki hamamoma. Kihami, **Marauia u** hami, tē pē hiraaharayoma. **Uxi u** hami yamaki mi yamorayoma, kanawa prewēha. Hei pata u rē kui, napē pēni **Rio Negro** hirakemahe. Yamaki ha yamorini, sitate hami yama warokema. **Barcelos** hami yamaki itoa parirayoma. Ai sitate a rē kui, **Santa Isabel** hami yama waroo piyēoma. Sitate pē ha napē pē xo, ai urihi teri pē xo, Yanomami pē xo, tē pē pēriowe, tē pē nikereo totihiwē yaro. Ai kanawa ha huu xoaoma. **Marauia u** hami yamaki mi yamorayoma. Ihi makui, prahai hami tē pē xaponopi yaro, yamaki waronomi. **Bicho Mirim** yama hayukema, **Irapaxe** yama kāi hayukema. Ai tēhē, **Missão** yama ha hayurini, **Ixima** hami yamaki kokema. **Iximawē** teri tē pē nohimou yai yaro tē pēni wamareki payeriprremahe.





Hei esikora aha **Ixima u** teri pë hiraiwei

Awei. Kamiyë ya rë kui inaha ya puhi kuu. Kamiyë yamaki rë kui **professor Yanomami** yamaki kuprou yaro kamiyë ya xi toprarou. Awei. Inaha ya kâi puhi kuu. Hëyëha **Ixima** të ha **professor** yamaki yai kôkaprarioma yaro hei tëhë yamaki moyawëprariyoma. Awei, inaha të kâi kua. Hapa hëyëha yamaki estudamonowei inaha **professores** pë kuoma: **Pukima, Parawa u, Ajuricaba, Ixima, escola**

kôkaproma. Awei, **professora Ana** hapa ihiru pë hirai tëhë inaha **ficha** wa wahimai tëhë hapa a xirô wahimai, inaha **Ana** hapa a kuma. Awei, **matematika** të kâi hirakema kami yamaki iha. Awei, inaha ipa të kâi kua: ihiru yama pë kâi hirama ihi makui **professores** pë makui yama të pë kâi hirama kuwë yaro inaha të kâi kua **professores Yanomami** të pë rë kui të pë yai puhi toprarou, inaha ya puhi kui. Awei, kutaopë.

**Antônio Këpropiteri, proheso**

**Professores** pëmaki kawaamou marayoma kuikë. Kamiyëni **curso** ya të taprarena **Yanomami** yama kuini **professores** ya të pë hirama, inaha taeni **Pukima** e **Roraima** e um inaha **professores** yamaki kokaprarioma. Ixima të há yamaki kawaa marayoma. Kamiyë **Yanomami** kamiyë ya kahiki hirama.


Të ã oni rë hiakai ya të ã oni hirai pario. Ai të ã oni rë uhutitii ya të ã oni hirai pario.

**Palavra** pë rë haninowei kamiyë yamakini **palavra** yama pë kokamoma. Ai yama pë kokamai. Kamiyë ya puhi mohotiprarioma.

**Vitorino Yanomami Iximauteri Xamatauteri**



**Ixima u** teri pë xaponopi



Kamiyë **professores** yamaki kawaamou maprarioma dia 14 tëha yamaki maprarioma. **Yanomami** yamaki xirô hirayoma kuso yama të tama wamareki hirama. **Vitorino**ni wamareki wapëomama. **Emesu** a wapëo xomaoma kamiyë **Marieusa** ya wapëoma. Ai **Krauxo** a kâi wapëoma. **Turio**ni të pë kâi hirai yaitawë a kâi puhi mohotioma yaro. tha anotikema makui a kâi mohotioma. **Atoyo Këpropiteri** a kâi kuoma a hapa hirama yaro a wapëoma. Kamiyë yama kini të ã oni rë hiakai: a, e, i, o, u, ë, ï. Ei yama a tai të ã oni rë uhutitii: m, n, p, r, s, t, w, y, k, x, h të ã oni uhutitii kutaa kure.

Hei tëhë **palavra** yama pë kâi haniprai tëhë payëkëha a **palavra** yama pë kôkaprai ai **frase** pë maprou tëhë tipikiwë yama a taai. Ai warii tëhë ihiya yama a taai Hei yama a tai.

**Marieuza Pukimapiweiteriyoma, Claudio Pukimapiweiteri**

**Professores** yamaki hereamoma. **Vitorino**ni të pë kâi hirama. **Batistani** të pë kâi hirama. **Antonioni** të pë kâi hirama. Ai **Yanomami Pukimapiweiteri** pë xo yama ki hereoma **Yanomami**. **Yanomami** yamaki noatayoma. **Professores** yamaki xiro kuoma. **Emersãoni** të pë kâi hirama. **Marieuzani** të pë kâi hirama. **Curso** pata totihiwë yama të pata tama. **Turio** xo **Ivan** xo **Antônio** xo **Yanomami** yama të pë hirama.

**Escola** yama pë wãho no wayoai. Weti naha kama wamaki kuaci rii. a, e, i, o, u, ë, ï

ei yama të pë tama hei exi kë të yamaki kuma. a, e, i, o, u, ë, ï, ei të a rë hiakai yama të pë hirama.

M, n, p, r, s, t, w, x, y, h, k, të a rë uhutitii.

Sírapa yama pë kâi hirama.

! ? , . ei yama të pë hirama.

**Letras** yama të pë kâi hirama.

Matematika yama të pë kâi hirama.

**Desenho** yama të pë kâi tama.

**Batista Proheso Yanomami Iximauteri. Emerson Pukimapiweiteri.**



Hapa **Bicho Mirim** hami yamaki warokema



**Missão Marauia Yanomami** no motahawë pë perïowei